



UNaka noNala bakhuluma ngamanzi

Eric Khorombi
Simon Mokoena





UNaka noNala benza umsebenzi wabo wesikole ekhaya. Bafunda ngamanzi.

“Amanzi awanambala futhi awanambitheki kodwa awumthombo wemvelo oyigugu!” kubabaza uNala.



UNaka uyavuma, “Yonke into ephilayo iyawadinga amanzi. Abantu bawasebenzisa ukuwaphuza, ukupheka, ukuhlanza, nokulima.”

“Nokwenza izinto emafethri,” kwenezela uNala.



“Ingxenye engaphezu kukahhafu yomzimba yakhiwe ngamanzi. Amanzi awagcini nje ngokuqeda ukoma kodwa imizimba yethu iyawadinga ukuze ikwazi ukusebenza,” kusho uNaka.



“Ingxenye enkulu yomhlaba imbozwe amanzi, imifula, amachibi, nezilwandle,” kusho uNala.

UNaka uvuma ngekhandu, “Izingxenye ezimbili kwezintathu zeplanethi yethu zingamanzi.”



“Kodwa amanzi amaningi emhlabeni
amanzi kasawoti. Amanzi amtoti
adingwa ngabantu yiwona amancane,”
kusho uNaka.



“Amanzi kasawoti anosawoti, kunzima futhi kuyabiza ukukhipha usawoti emanzini. Abantu abakwazi ukuphuza amanzi anosawoti, baphuza amanzi amtoti kuphela!” kubabaza uNaka.



“Yebo, yingakho kumele siyinakekele imithombo yamanzi amtoti. Akufanele singcolise imifula namachibi ngodoti,” kusho uNala.



“Asifunde ngomjikelezo wamanzi,”
kusho uNaka.

“Yinqubo lapho amanzi ekhuphuka aye
phezulu emoyeni esuka emhlabeni, bese
ephinda abuyele phansi,” kuchaza
uNala.



UNala eqhubeka, “Amaconsi amancane amanzi akhuphukela phezulu esibhakabhakeni akhe amafu. Amanzi akheka emafini ayawa awele phansi emhlabeni njengemvula, isichotho noma iqhwa.”



UNaka uyababaza, "Ngomile, ngidinga amanzi!"

UNala uyaphendula, "Yebo, umqondo wakho udinga amanzi ukuze ukwazi ukucabanga nokufunda! Amanzi ayimpilo, waphathe kahle."

—Imibuzo

1. Ngubani odinga amanzi amtoti? Kungani?
2. Bala imisebenzi emihlanu eyenziwa ngamanzi amtoti?
3. Singawanakekela kanjani amanzi amtoti emhlabeni?
4. Emanzini asemhlabeni, ingabe amanzi amaningi yilawo amtoti noma anosawoti? Chaza.
5. Dweba umjikelezo wamanzi. Sebenzisa amagama akule ndatshana ukuchaza ukuthi kwenzekani.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA
INSTITUTE FOR
EDUCATION AND
RURAL DEVELOPMENT



Room to Read®
World Change Starts with Educated Children®

Your attribution should include the following:

Title: UNaka noNala bakhuluma ngamanzi

Author/s: Eric Khorombi

Translator/s: Zanele Ndlovu

Illustrator/s: Simon Mokoena

Assurer/s: Sifiso Khoza

Language: isiZulu

© Zenex Foundation - Saide 2023

CC BY includes the following elements:

BY  - Credit must be given to the creator

